

◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷

<><><><><><>

## CM Terrorism

मुख्यमंत्री उमर अब्दुल्ला होंरें आखेआ ऐ जे जम्मू-कश्मीर दे बसनीक आतंकवाद दा समर्थन नेईं करदे न। उ'नें आखेआ जे छड़े किश ऐसे समाजी-बरोधी तत्व न, जेहड़े खिते दा रमानदारी ते सद्भाव आहला म्हौल बगाड़ने दी भैड़े कोशशां करदे रौंहद न। दिल्ली च होए दे कार बम्ब धमाके बारें इक मीडिया कर्मी आसेआ पुच्छे गेदे सोआला दा परता दि'ंदे होई मुख्यमंत्री होंरें आखेआ जे इस गैर-मनुखी हरकत दे दोषिएं गी पक्क गै कानून दे दायरे तैहत ऐसी सजा दिती जानी लोड़चदी ऐ जेहड़ी होरनें लेई बी इक मिसाल होऐ।

<><><><><><>

## Sopore Hybrid Terrorists

जम्मू-कश्मीर पुलसै, होरनें सुरक्षाबलें कन्नै सोपोर दे मूमीनाबाद इलाके च चलाए गेदे इक सांझे अभियान दरान द'उं हाइब्रिड आतंकवादिएं गी गिरफ्तार कीता ऐ। कश्मीर ज़ोन पुलस आसेआ एक्स पर सांझी कीती गेदी जानकारी मुजब गिरफ्तार कीते गेदे हाइब्रिड आतंकवादिएं दी पन्छान शब्बीर नजर ते शब्बीर मीर दे तौर पर कीती गई ऐ। पुलसै, इ'ंदे कब्जे शा थेहार, गोला-बरूद ते किश ऐतराज़-जोग समेयान बी बरामद कीता ऐ। सुरक्षाबलें गी हासल होई दी पक्की सूह दी बिनाह् उप्पर इस अभियान गी अंजाम दिता गेआ ऐ ते हुन अगड़ी तफ्तीश जारी ऐ तांजे इ'नें दौनें दिएं भैड़ी गतिविधिएं बारें होर जानकारी हासल कीती जाई सकै।

<><><><><><>

Vande Matram. Val. Fctn

भारत सरकार दा संस्कृति मंत्रालय जम्मू-कश्मीर दे संस्कृति विभाग ते स्कूली शिक्षा विभाग दे सैहयोग कन्नै अज्ज जम्मू दे एम.ए स्टेडियम च वंदे मातरम दे 150 बरे पूरे होने दे मौके पर समापन समारोह दा आयोजन करा रदा ऐ। उपराज्यपाल मनोज सिन्हा होर मुख परौहने दे तौरा पर इस कार्यक्रम च हिस्सा लैगन। नागरिके गी इस समारोह च शामिल होने लेई साद्दा दिता गया ऐ- जेहदा मकसद एकता- देशभक्ति ते राष्ट्रीय गौरव दी भावना दा सम्मान करना ऐ- जेहड़ा मकसद वंदे मातरम जनेह प्रतिष्ठित देशभक्ति गीत दी स्थाई विरासत गी दर्शादा ऐ।

<><><><><><>

Midnight Marathon

खेड्ड मंत्री सतीश शर्मा होरें कल 15 नवम्बर गी जम्मू दे मौलाना आजाद स्टेडियम च होने आहली जम्मू मिडनाईट मैराथन दे त्रीये संस्करण लेई अधिकारिक जरसी जारी कीती। आयोजके दी सराहना करदे होई मंत्री होरें तंदरुस्ती, युवाएं दी भागीदारी ते सामुदायिक एकता गी बढ़ावा देने च मैराथन दी भूमिका पर लोs पाई। जम्मू-कश्मीर खेड्ड काउंसल आसेआ आयोजित कीते जा'रदे इस कार्यक्रम च सबने स्तरें लेई बक्ख-बक्ख श्रेणिएं च द्रौड़ें दा आयोजन कीता जाहग। एह मैराथन शैहरा दिएं मुख थाहरें चा होइयै लंगघग।

इस मैराथन च हिस्सा लेने लेई लोक अधिकारिक इंस्टाग्राम हैंडल दे राहें जां फही इ'नें  
टेलीफोन नम्बरें दे राहें पंजीकरण करोआई सकदे न। नम्बर इस चाल्ली न :  
9596798743 जां फही 7006095269

<><><><><><><>

NSG -Taekwondo

जम्मू-कश्मीर नै 69मीं राष्ट्रीय स्कूल खेड्डें दे अंडर-19 जागतें दी ताइक्वांडो चैम्पियनशिप  
च ओवर ऑल चैम्पियनशीप दा खिताब जित्तियै इतिहास रची दिता ऐ। चैम्पियनशिप  
जम्मू दे इंडोर खेड्ड परिसर भगवती नगर च आयोजित कीती गई। जम्मू-कश्मीर दी टीम  
शानदार प्रदर्शन करदे होई 2 सुन्ने दे- 2 चांदी दे ते 4 कैह दे तगमें समेत कुल 8 तगमे  
जिते ते 36 अंक हासल करियै चैम्पियन बनी गई। हरियाणा दी टीम 3 सुन्ने ते इक चांदी  
दे तगमा कन्नै 26 अंक हासल करियै उपविजेता रेहा- जिसलै के केन्द्रीय विद्यालय  
संगठन नै 2 सुन्ने दे तगमे ते 14 अंक हासल करियै त्री थाहर हासल कीती।

<><><><><><><>

Prog. Announcement

आकाशवाणी दा क्षेत्रीय समाचार एकांश अज्ज 'विश्व मधुमेह दिवस' दे मौके पर 30एं  
मिन्टें दी इक विशेष चर्चा प्रसारित करने जा'रदा ऐ जेहदा विषे ऐ डायबीटीज, इट्ज़  
काजिज, सिम्पटम्ज़ एण्ड प्रिवेंशन यानि मधुमेह एहदे कारण, लक्षण ते एहतियाती उपास।

अज्ज दपैहरी ढाई बजे प्रसारित होने आहले इस विशेष कार्यक्रम च स्हाड़े परौहने होडन जम्मू मेडिकल कॉलेज च एंडोक्रिनोलोजी विभाग दे अध्यक्ष डॉ. सुमन कोतवाल जेहड़े शुगर रोग बारै जानकारी श्रोताएं कन्नै सांझी करडन। इन्दे कन्नै गल्लबात करगंन साहड़े न्यूज एंकर विजय बजाज । एह् कार्यक्रम तुस स्हाड़े इस्सै चैनल पर मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर सुनी सकदे ओ।

<><><><><><>